

NIA VOĈO

Madrida Esperanto-Liceo

San Alejandro 6-4°B-Ext. 28005 Madrid
(Nur poŝta adreso)
Ni kunvenas lunde je la 18,30 en Rodríguez San Pedro 13-3°-7

Redaktas kaj eraras: Lupe Sanz

JANUARIO 2007

En aparta folio ni inkludas, por nia membraro, la memoron de aktivaĵoj kaj la kontojn de 2006

ĜENERALA KUNVENO DE MEL

La Prezidantino de Madrida Esperanto Liceo kunvokas vin ĉeesti la kunvenojn, kiuj okazos lastan lundon de januaro (29an) je la 18.30 en unua kunvoko kaj je la 19.00 en dua, en Rodríguez San Pedro 13-3°-7, sub la sekva tagordo:

- 1.- Informo pri membraro
- 2.- Legado kaj eventuala aprobo de la antaŭa protokolo (Vidu "Nia Voĉo" 2006-02)
- 3.- Detala raporto pri MEL-agado dum la jaro 2006 (Vidu "Nia Voĉo" 2006-12)
- 4.- Prezento de programo realigebla por la jaro 2007 ("Nia Voĉo" 2006-12)
- 5.- Konto-stato de MEL je la fino de 2006 (Kune kun "Nia Voĉo" 2007-01)
- 6.- Budĝeto por 2007 (Kune kun "Nia Voĉo" 2006-12)
- 7.- Sugestoj kaj demandoj

Cele al bonorda kaj pozitiva funkciado de nia organizacio, la Estraro restos danka, se ĉiuj gemembroj akurate ĉeestos tiun Ĝeneralan Asembleon.

NOVA E-ASOCIO

En Aŭgusto, en Ciudad Real oni fondis la "Esperantistan Manĉan Asocion" (EMAS) [nacilingve Asociación Manchega de Esperanto (AME)]. La Prezidanto estas Arturo Jiménez Carretero kiu ekde nun esperas havi kontaktojn kaj tiel aranĝi, se eblas, renkontiĝojn, kunlaboradojn kaj ĉion eblan favore al la Movado kaj al nia Internacia Lingvo Esperanto. AME-EMAS Avda. Lagunas de Ruidera 26-1° C. 13004 Ciudad Real. Tfno.: 651 990 659. Faksilo: 926 815 232 [avertu antaŭ ol sendi] Retpoŝto: ame.emas@gmail.com

KONGRESO PRI LA INTERCIVITANA MILITO

La kongreso okazis tre sukcese je la fino de novembro. La prelego verkita de Ulrich Lins kaj Toño del Barrio estis prezentita de Toño en la hispana. Ulrich partoprenis ankaŭ en la Kongreso. Manolo Pancorbo atingis ĵurnalistan oficialan rajtigilon (credencial) kiel redaktoro de "Boletín". Raporton pri ĝi vi povas trovi en: <http://www.liberafolio.org/2006/civitanamilitokonferenco>
La tutan tekston de la prezentaĵo vi povas legi en <http://www.liberafolio.org/2006/civitanamilito>

EKSPozICIO PRI ESPERANTO

Post Castellón kaj Valencio, dum la venontaj monatoj itinera ekspozicio pri "Liberecana Memoro" vojaĝos al Alikanto kaj Murcio. Unu el la paneloj temas pri Esperanto, ĝi estis muntita danke al la helpo de nia samideano Eduardo Vivancos.

La ĵurnalo "La Voz de Galicia" raportas pri E-evento en Pontevedra: temas pri ekspozicio de 220 poŝtkartoj verkitaj en Esperanto inter la jaroj 1909 kaj 1914. Ili estis ricevitaj de esperantisto el Pontevedra, grava sciencisto de la komenco de la jarcento, Luis Calandre, disĉiplo de Ramón y Cajal. Li loĝis en Cartagena (tie troviĝas mezlernejo kun lia nomo) kaj dum sia junaĝo li korespondis kun homoj ĉiulandaj, en Esperanto. Nun Pilar Pintos pruntedonis la materialon de sia avo.

LASTA ELSENDO DE POLA RADIO

Barbara Pietrzak kaj Gabi Kosiarska anoncis ke reprezentanto de la Direkcio anoncis al ili ke la esperantaj elsendoj definitive ĉesas. La lasta elsendo estis emisiata la 15an Decembro. En sia programo "Trarigardo de la Esperanta Gazetaro", raportas pri la lasta numero de nia "Boletín". Ekde nun Radio Polonia povas estis aŭskultata nur rete.

KONGRESOJ KAJ RENKONTIĜOJ

Augusto Casquero partoprenis en la 10-a GRUPE okazinta en Gliwicwe (Pollando). Ĉestis 70 geesperantistoj de Eŭropo, Azio kaj Afriko.

Al Amposta vojaĝis, Jorge Pavón, redaktoro de "Boletín" por partopreni en la 33-a Kataluna Esperanto-Kongreso.

Dum la malferma tago de UEA vizitis Roterdamon Jaime Viniellas, estrarano de MEL.

HISPANA ESPERANTO-FEDERACIO

La Sekretariino, Carmen Suárez, deĵoras lunde vespere (17,00-20,30h), dum aliaj tagoj vi povas faksi aŭ telefoni al 91 446 80 79 (aŭtomata respondilo) aŭ kontakti rete: admin@esperanto.es

La **Hispana Esperanto-Kongreso** okazos en Palos de la Frontera (Huelva) ekde la 5- a ĝis la 8- a de julio 2007. Por pli da informoj oni devas atendi kunsidon, post la festoj, inter esperantistoj de Onubo kaj la urbestro de Palos, kiu estas mem esperantisto.

Ni ricevis novaĵojn, de "fontoj kutime bone informataj", dirante ke la junulara restadejo de Onubo estas sufiĉe bona por junuloj kaj maljunuloj. Pri la manĝaĵo, la urbestro promesis pagi, matenmanĝon, tagmanĝon kaj kolazionon, ankaŭ buson por kunporti la kongresanojn al Palos de la Frontera, kiu situas proksime de Onubo. Ni esperas ke ĉi monate la aliĝilo pretos. Por la kongreso povus aperi la traduko de "La vojaĝoj de Kolumbo" kaj "Platero kaj mi".

La nova **HEF-paĝaro** reviziita de Miguel Angel Sancho kaj José Rodríguez kaj precipe la elektronika Vortaro ricevis tre favorajn komentojn kaj gratulojn, jen kelkaj:

Grandega laboro. Tre praktika kaj rapidega en la konsultoj. Por mi estas granda ĝojo ĉar mi multe uzas la paperan eldonon sed mi tute preferas la elektronikan pro tio kion mi jam diris, t.e. la praktikeco kaj krome ĝia rapideco. Speciale mi gratulas kaj dankas na J. Rodríguez kaj na M. A. Sancho pro ilia bonega enretiga laboro; tiu "serĉo en la difinoj" (Búsqueda en las definiciones) estas ege grandioza ideo. (Joan Inglada)

Bonega!, Boneeeeeega!, Booooooneeeeeegaaaaa! (Guillem Sevilla)

Mi gratulas kaj kore dankas niajn hispanajn kolegojn. (Hèctor Alòs i Font)

ESPERANTA SALUTO DE LA PAPO

La 25an Decembro la Papo Benedikto la 16a elparolis sian kristnaskan saluton ankaŭ en Esperanto.

VENONTAJ PROGRAMOJ EN MADRIDO

Ekde la 18-an de septembro niaj konversacia-rondoj okazas ĉiulunde, ekde la 18.30 h, en RODRÍGUEZ SAN PEDRO 13-3º-7 Tel. 91 446 80 79.

KURSOJ:

Vallecas. Ekde la 13-an de januaro ĉe "Librería Muga", Avda. Pablo Neruda, 89 Tel. 91 507 90 84/85 kaj 667 721 951. Sabate je la 17-a (baza kurso) kaj je la 18,30-a (meza nivelo)

Tetuán. Alejandro Pareja gvidas bazan kurson en "Biblioteca Pública Vázquez Montalbán", Francos Rodríguez 67, (Metroo Francos Rodríguez). La kurso estos por komencantoj, senpaga, kaj la lecionoj okazos la mardojn je la 7a vespere. Aliĝu ĉe la biblioteko, 91 398 07 23

IBERIA RENKONTIĜO 2007

HEJS organizos renkontiĝon kun la kunlaboro de Portugala Esperanto-Junularo kaj Kataluna Esperanto Junularo. La kunveno volas daŭrigi la bonajn rilatojn inter KEJ, PEJ kaj HEJS, okazigante eventojn kun prelegoj, aktivaĵoj, kaj komunaj dormado kaj manĝado (tiel homoj vere kunvivis).

Ĝi okazos Marte 2007, en la junulara restadejo de "Casa de Campo" (Parko de Madrido).

Por pli da detaloj vizitu www.esperanto.es/iro2007

ESPERANTO LICEO DE MADRID

Asociación de Utilidad Pública Municipal
San Alejandro 6- 4ºB EXT
28005 Madrid